

Gvangjsih Minzczuz Bau

广西民族报 ganhhau: CN45-0036 B.2021 Nd.1 Ng.6 liggaeuq gengcej nienz ndwenit ngeihsam

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzczuz Bause
Geizsoq: Gungh daih 3456 geiz
Geiz neix 8 banj

《Giuzsi》Cazci Fat Bien Faenzcieng Youqgaenj Youz Siz Ginbingz Cungjsuhgi Raiz Guhdoih Cauhlaeb Aen Minghyinh Caezcaemh Vunzloih

Faenh cazci 《Giuzsi》bineix geiz daih' it youq 1 nyied 1 hauh okbanj, ndawde fat miz bien faenzcieng 《Guhdoih Cauhlaeb Aen Minghyinh Caezcaemh Vunzloih》youz Cunghgung Cunghyangh cungjsuhgi、Gozgyah cajsiz、Cunghyangh Ginhveij cajsiz Siz Ginbingz 2017 nienz 1 nyied 18 hauh youq Lenzhozgoz Yizneivaj Cungjbu yienjgangj gvaq de.

Faenzcieng lai dawznaek naeuz, vunzloih cingq youq duenh daih hwnghat daih bienqvaq daih gaijbienq,

hix youq aen seizdaih hojnanz miz liux miz dem、fungyiemj ngoenz beij ngoenz lai. Aen seiqgyaiq neix baenzlawz gvaq、raeuz aeu baenzlawz guh? Cungguk ok banhfap: Cauhlaeb aen minghyinh caezcaemh vunzloih, ndaej caez hingz caemh yungh.

Faenzcieng vixok, cauhlaeb aen minghyinh caezcaemh vunzloih, caen guh caen hengz ceiq youqgaenj. Dingjmaenh doxlwnh doxyaengh、caez guh caemh yungh、doxgap caez hingz、doxgyau doxhag、noix uq noix lah,

cauhlaeb aen seiqgyaiq bingzonj nanznaih、dauqcawq ancienz、guhdoih mwnhoengh、hailangh bauyungz、seuqcingh gyaunde.

Faenzcieng vixok, seiqgyaiq ndei, Cungguk cij ndei; Cungguk ndei, seiqgyaiq cij lai ndei. Dajsuenq coglaeng, daih' it, Cungguk laemxsim henhoh seiqgyaiq bingzonj cungj mbouj bienq, daihngaih, Cungguk laemxsim doinyoengx guhdoih hwnghat cungj mbouj bienq, daihsam, Cungguk laemxsim cauhlaeb gvanhaeh gapdoh cungj mbouj bienq, daihseiq,

Cungguk laemxsim haeujcoengh dohbenh cuji cungj mbouj bienq.

Faenzcieng vixok, cauhlaeb aen minghyinh caezcaemh vunzloih dwg aen moegbiu ndeindi ndeu, hix dwg aen moegbiu aeu daih dam daih doxciep haenqrengz guh cij baenzsah. Cungguk nyienh caeuq seiqgyaiq gak guk、gozci cujiz caeuq gihgou guhdoih, doengzcaez doinyoengx hongsaeh cauhlaeb aen minghyinh caezcaemh vunzloih de yamq baenaj hungmbwk.

(ciuq Sinhvaezse)



Yungzsuij: Guh Lai Yiengh Hozdung Hoh Duetgungz Coux Bimoq

1 nyied 1 hauh, dwg ngoenz yenzdan, Yungzsuij Myauzczuz Swciyen banh aen hozdung aeu "duetgungz gyo aencingz dangj·daj gizmoq hwnjdin buekguh" guh cawjdaez, 10 lai aendoih aenvenz 1000 lai boux vunz Myauzczuz, daenj ndangdaenj ngoenzciet, angq comz giz ndeu, boq aenvenz、angq caijdangz、diuq foux Myauz, angqhoh duetgungz, angq gvaq yenzdan.

(Lungz Linzei)

Duenh Gyajgeiz Yenzdan Daengx Gih Gungh Ciep Hekyouz 748.26 Fanh Vunzbaez

Ciuq Swcigih Vwnzva Caeuq Lijyouz Dingh naeuz, duenh gyajgeiz yenzdan, daengx gih gungh ciepe hekyouz 748.26 fanh vunzbaez, lijyouz siuyungh bae 53.11 ik maenz.

Duenh gyajgeiz neix, haujlai ranzvunz ceiq maij youz dieg gyawj、dieg henz hawsingz. Ciuq Gvangjsih lijyouz daih soqgawq baijok, doengh

hekyouz daengx gih ciepdaih de, hekyouz ndaw gih daihgaiq ciemq 63.4%. Vih hawj lijyouz lai cungj lai yiengh, gih raeuz gak aen lijhingzse daeuz youq duenh gyajgeiz gaxgonq couh doiok gij lijyouz canjbinj miz daegsack "roengz baihnanz ndoj nit", dazyinx ndaej haujlai hekyouz rog gih.

Gaenriengz yiengh lijyouz

coengmingz de ngoenz beij ngoenz lai, hekyouz "daezgonq dingh youz、senq dingh feidou、ndoj seizndaet youz" menhmenh bienqbaenz sibgvenq, duenh gyajgeiz neix, gak aen gingjih daeuz hekyouz bingzonj mbouj luenh, mbouj ok gijmaz saeh ancienz, mbouj miz vunz gauq gij saeh daeuz famh gienzleih.

(Vuz Libingz)

SIUSIK DINJ

● 1 nyied 2 hauh, gicej cam Swcigih Caizcwnghingh ndaej rox, ciuq gyoepsuenq, Gvangjsih gaeng ndaej gij cienzngeanz Cunghyangh caizcwngh roengz hawj okcienz sebauj de 621.4 ik maenz (ndawde Cunghyangh soh hawj 599.28 ik maenz). Gij cienzngeanz neix cawjdaez yungh daeuj cunghab gaijgwz yihyen goenglaeb、gaijndeivunzlai gungzhoh gwndaenj daengj.

(Lij Yi)

● Bi' gvaq 12 nyied 26 hauh, Yungzyen 12 aen hanghmoeg caemh ngoenz guhsat, gungh roengz cienzngeanz 51.05 ik maenz, ndawde 9 aen hanghmoeg ngamq haigoeng, gungh roengzcienz 44.6 lai ik maenz.

(Bi Cuhgen)

● 1 nyied 1 hauh banhaet, aen hozdung hoihciengz daeuz Gvangjsih ndaw daihhohi daengx guk bimoq bin sang cangqndang bi 2021 de youq Nanzningz Lij Ningz Dijyuzyen guh, 300 lai boux vunz hawsingz Namzningz camgya hozdung, gyoengqde aeu yindung cangqndang daeuj ciepcoux bimoq.

(Siz Cez)

● Gicej daih aen hoih fatbousinhvwnz Ginhcouh yinx vunz roengzcienz bi 2020 de ndaej rox, suenq daengz dangqnaj, Ginhcouh Si yinx ndaej 648.56 ik maenz cienzngeanz; seizneix cingq doxyaeng guh 600 lai aen hanghmoeg, gungh daihgaiq yack roengzcienz 5000 ik maenz, neix gya rengz hunghwd hawj aen si neix heij guh hongsaeh "cibseiq haj".

(Loz Gimeiz)